

xxij

eam, ejusque Administros juvare fatagas. Memor quippe es, non CLEMENTIS XI. dumtaxat, cujus in Nos beneficentiam nunquam satis pro merito laudabimus; verum etiam HANNIBALIS ALBANI, ejusdem CLEMENTIS Patruī, qui quum ab incunabilis literarum studiis apprimē addictus, eam sibi eruditionem, nobiliorumque disciplinarum exactam peritiam comparasset, ut ab Urbano VIII. Pontifice, literatorum virorum Moeenate amantissimo, primus ejusdem Bibliothecæ renunciatus fuerit Custos; eo fungens munere, Oecumenica Catholicae Ecclesiae Concilia impigro studio & labore illustranda suscepit; ceptumque opus magno Christianae Reipublicae bono compleisset, nisi lethali oppressus morbo mortem obiisset.

Innatus itaque Majoribus Tuis, PRINCEPS EMINENTISSIME, & in Te ab ipsis derivatus erga Bibliothecam, amor, Tua quoque singularis in me benignitas, quem patrocínio ac familiaritate